

乾嘉名儒年譜

陳祖武先生選
清人年譜系列

◎本社影印室 輯

◎北京圖書館出版社

乾嘉名儒年譜

陳祖武先生選
清人年譜系列

◎本社影印室 輯

◎北京圖書出版社



翁氏家事略記

大興翁方綱原稿

吉林英 和梭訂

翁氏由莆田入籍順天以來家事按年粗記大略用年譜之式分年提行但不名年譜耳

明武宗正德二年丁卯

是年謙謙公

諱

洪北京武學生中式順天鄉試舉

人

謙謙公爲尙書襄敏公第五子

襄敏公諱世資明史有傳翰林檢討

暎公次子也以前世次皆詳見家譜

諱洪字守洪歷官工部都水司

主事

吾家自襄敏公官北京遂居順天入錦衣衛官籍

襄敏公娶於大興其入籍錦衣衛不知始於何年
苗氏子孫因家焉而是年謙謙公舉京兆試謹於是年記吾家入籍
大興之始

六年辛未

謙謙公成進士

國子監題名碑是科楊慎榜下賜進士出身第二甲第一百六名翁

洪錦衣
衛官籍

吾家在明朝數世皆世襲錦衣百戶謙謙公生五
子長桷字朝弼次械字朝謹皆世襲錦衣百戶朝
謹公子熏熏公子延祿延祿公子使妹此二字蓋
是小字而諱與字皆不可考矣是爲我高祖生九
子吾曾祖是其弟九子也此數世年次事蹟皆不

可考

吾家自檢討公以二十字爲子孫世次云世守朝

廷祿惟存孝與忠誠心長繼述福慶永豐隆

家譜此末

五字一作萬代慶昌隆

皆取以系字

尙書公諱二字元是字也其後以字行

其

取名皆以五行相生爲次以五行之次考之似延祿公亦是其字或當以土部字爲名此下一世應以金部字爲名則此下正接吾曾祖名水旁恰符合矣謹記於此

曾祖

諱

湏字禹門由吏員官陝西某縣閫官聞先

公云曾祖卒於陝西是爲陝西閫官無疑而或又相傳爲福建沙縣典史未知所据

崇禎十七年是爲我

大清

世祖章皇帝順治元年甲申

是年曾祖妣王氏與曾祖姑陳室同入井死

時先曾祖大約年在二十幾歲間而先曾祖與曾祖妣之生年暨繼配曾祖母趙氏歸來之年皆不可考

聞諸先人云趙太君幼失父母育於外祖党氏家党太君者趙太君之外祖母也稱爲党老老明末京城陷時趙太君甫數歲党老老匿諸一尼庵尼又老病委頓狀不可近因居趙太君於樓上党老

老日爲下樓取飲食給之据此則趙太君歸我曾祖當在順治十年內外也

十三年丙申

先祖是年二月二十九日卯時生

先曾祖卒於陝西曾祖妣趙太君卒於江南崑山
先祖諱鏐標字孝定由國子監生初任江南蘇州
府崑山縣丞及再任山東濟南府齊東縣丞則母
憂服闋後也不聞崑山任內丁父憂是曾祖之卒
在先祖未任崑山前也記先人說大伯生於丞廨
故小名曰崑大伯以康熙三十二年二月生先曾
祖卒之年以畫像度之當是六十許歲曾祖妣趙

太君亦約將六十許四叔祖生於康熙六年

諱鳳標字

孝章候推衛守備

六叔祖生於康熙十六年

諱鸞標字孝和國子監生

二叔祖諱麟標

而先大夫生於康熙三十五年丙子是年

先祖四十一歲先祖母高太君二十七歲高太君

陝西人先曾祖官陝爲先祖聘太君則是先祖繼

娶高太君成禮於陝丁先曾祖憂亦於陝先曾祖

之卒當在康熙二十餘年間先祖三年服除之官

崑山崑山丁母憂又三年服除之官齊東先大夫

生於丙子二月大伯生於癸酉二月蓋曾祖妣趙

太君之卒在康熙三十一年壬申之八月四日而

癸酉春家眷尙在崑山所以大伯生於崑山也先

祖補齊東縣丞當在三十四年乙亥其月則不可考而癸酉至乙亥中間三年家眷還都與否亦不可考也

聖祖仁皇帝三十二年癸酉

先祖三十八歲官江南蘇州府崑山縣縣丞

二月十一日丑時大伯生

諱大生號玉峯

四叔祖孝章公

出也叔祖是年二十七歲叔祖母王氏浙江紹興人

聞諸先人云先祖每以差務進京則館於鐵庵尙書所鐵庵一桂公二十一世孫於先祖爲叔父輩按鐵庵康熙三十一年十月入都補刑部尙書則

家上卷三 四言
先祖之因差務入京當在崑山丞任內或壬申冬
或癸酉春夏也

三十五年丙子

先祖四十一歲官山東濟南府齊東縣縣丞二月
五辰時先大夫生時先祖母高太君二十七歲

祖母生於康熙九年
庚戌五月二十五日

先大夫諱

字希舜號純

庵小名蓋取先祖官縣丞之縣名上一字也

先祖到齊東任蓋在上年乙亥鐵庵先生撰家譜
於一桂房六十二世書先祖名下注云現任齊東
縣縣丞此譜作於丙子三月則到任在此前一年
無疑

三十六年丁丑

聖祖仁皇帝親征噶爾丹先祖奉委隨

駕運糧至十三臺軍功加二級

謹案是年閏三月十三日噶爾丹仰藥死漠北

蕩平六師旋蹕出師在是年春則隨行運糧之員當是上年卽奉委也祖母說是時署中僕役皆不願隨行惟一陳三者隨去

聞諸先人云是年回任大吏以隨行官員著有微

勞奏

聞以軍營所剩帳房器物等分行賞賚先祖以所得物

變價買都城左安門外北十八里店張又伯名下

民地六畝四分一區價銀九十六兩奉先祖曾

上顯祖母樞辛山乙狗安葬墓前設祭演戲三日榮

上賜也村中有孟氏者與党氏有連先祖擇孟氏謹愿

者爲娶婦俾居墓旁卽今看墳人孟八之祖也聞諸

先人確是如此然檢張又伯自書賣地券是康熙
三十五年正月十九日立券則豈買地之事在前
乎謹按平定漢北恩詔在三十六年七月十九
日則隨駕官員蒙恩賞賚亦必在三十六年
而三十五年正月先祖實在齊東任所以有都
城買地事今詳度之蓋必是四叔祖先於都中辦
理買地之事而葬事則三十六年受賞後以事入
都時所親辦也其所以云買地用賜物變價者
或買地之貲轉假他處而至是乃償足之耳

三十九年庚辰

六月吉旦與邑中同官公立本邑顯應城隍尊神
之廟扁額上有先祖書名至乾隆壬子方綱視學
濟南得拜觀焉

聞先人云先祖卒時相傳爲本邑城隍之神今方
綱訪諸齊東邑人皆云至今尙傳說本邑城隍之
神是先祖也

海寧查氏石刻褚臨蘭亭跋云此帖爲東藩劉孟
倬所得在康熙四十年辛巳孟倬名暉先祖初不
見知於劉公其後劉以事鐫職先祖往慰之相得
甚洽則劉公辛巳官東藩正先祖官齊東時也

先祖官齊東自丙子至戊子凡十三年中間署知
縣事則於同郡之淄川

凡再署

泰安府之萊蕪又嘗

護理武定州事惟兩署淄川其一次有接高五雲
之年可查其又一次署淄川及署他處之年皆不

可考

四十二年癸未

是年大饑先祖竭所有捐粟煮粥賑民并衣物釵釧皆變賣以爲煮粥之費所活無算

四十四年乙酉

是年先祖署淄川縣知縣接上任高五雲交代籌措備至

按縣志高五雲正藍旗人歲貢生康熙四十二年知淄川縣四十四年丁憂韓遇春清水人庚辰進士康熙四十五年知淄川縣先祖接高之後則是於四十四年署理至四十五年也月日則無可考

四十六年丁亥七月初一日四叔祖卒四叔祖爲人
有才幹署中事皆能代理自叔祖之卒先祖常忽
忽不樂矣

先祖生女二長爲二姑母

大姑母段氏二叔祖所出

適武城張

諱懿佑次爲三姑母適順天襲授拜他拉布勒哈

番昭武將軍雲南昭通鎮副將張士英之第三子

諱

我烈

士英之父全家殉節予世職國史有傳

先祖於三姑母之嫁

籌措奩物百計焦心先祖工於草札嘗一夕數函
謀諸知好以是積瘁成疾事在四十六年也

二姑母嫁於武城張氏武城去齊東不遠先大夫
幼時與諸兄姊坐小轎往來德州恩縣閒又嘗遊

憩恩縣之四女祠二姑母生於康熙二十七年戊辰長先大夫八歲此往來遊憩事蓋在丙戌丁亥間

四十七年戊子二月初十日戌時先祖卒於齊東丞署享年五十三時已陞單縣知縣未及赴任

先祖母高

太夫人時年三十九先大夫時年十三

先祖雖爲丞而齊東之民最所愛戴卒後紳士公請入祀名宦祠初大吏以丞官卑不允士民請益力因援前明有某公以丞入祠遂得如士民所請

乾隆五十八年方綱按試濟南訪諸邑宰知此邑名宦祠神位至今尙在大書曰清廉明翁公之神位方綱謹書其事

於石勒諸祠壁

是時闔邑紳士公捐銀八百兩

爲先祖母先大夫薪水之費并請留居應試於茲
邑先大夫體先祖清節辭不受

先祖平生交契有手記之牘并所藏書皆在樓上
不知何時被人遺失以故先祖卒後不知交契何
人如新臺令吳公穆直隸制府何公世璣皆後來
始知之

先大夫旣辭齊東人之留贈矣此戊子後十餘年
中於鄭家口於高郵州往返奔走并與六叔祖大
伯暨外曾祖高公分合去住聚散之跡不能疏其
歲月矣

中間依故城蘇氏者數年吳幼日先生撰蘇公墓